



Na osnovu člana 22 Statuta Brčko distrikta BiH („Službeni glasnik Brčko distrikta BiH“ broj 3/07), člana 45 Poslovnika Skupštine Brčko distrikta BiH – prečišćeni tekst („Službeni glasnik Brčko distrikta BiH“ broj 11/03) i Prijedloga odluke gradonačelnika broj: 01-014-012099 od 26. 6. 2007. godine Skupština Brčko distrikta BiH na 52. sjednici održanoj 16. jula 2007. godine donijela je

ODLUKU

O IZMJENAMA I DOPUNAMA ODLUKE O DRŽANJU PASA, REGISTRACIJI I NAČINU POSTUPANJA S NEUPISANIM, NAPUŠTENIM I IZGUBLJENIM PSIMA, KAO I USLOVIMA ZA DRŽANJE PTICA

Član 1

U Odluci o držanju pasa, registraciji i načinu postupanja s neupisanim, napuštenim i izgubljenim psima, kao i uslovima za držanje ptica, broj: 0-02-022-106/06 od 20. 7. 2006. godine, u članu 2 tačka 2 mijenja se i glasi:

«2. «Vlasnik - držalac» je fizičko ili pravno lice koje je vlasnik psa što dokazuje izvršenom registracijom psa na svoje ime i vodi brigu o njemu s namjerom da se bavi uzgajanjem, zaštitom, druženjem, upotrebom, obučavanjem ili prodajom psa (vlasnik), kao i pravno ili fizičko lice koje faktički drži psa i postupa s njim (držalac)».

Član 2

U članu 9 Odluke, stav 2 mijenja se i glasi:

«Kada pas nije vezan lancem nego je smješten u boks, površina boksa mora iznositi: za pse visine do 40 cm najmanje 3m², za pse visine do 65 cm najmanje 5m² i za pse visine preko 65 cm najmanje 6m²».

Član 3

U članu 11 Odluke iza stava 1 dodaje se novi stav 2 koji glasi:

«Vlasnik - držalac psa koji ima prebivalište izvan Brčko distrikta BiH, a privremeno boravi s psom u Brčko distriktu BiH duže od 48 sati, dužan je izvršiti privremenu registraciju psa kod pravnog ili fizičkog lica s javnim ovlaštenjem po isteku privremenog boravka od 48 sati bez obaveze plaćanja takse».

U ovom članu dosadašnji stav 2 postaje stav 3.

Član 4

U članu 12 Odluke iza stava 1 dodaje se novi stav 2 koji glasi:

«Zabranjeno je drugim pravnim ili fizičkim licima sakupljanje neregistrovanih, napuštenih i izgubljenih pasa i drugih životinja kao i postupanje sa njima».

Član 5

U članu 13 Odluke iza stava 2 dodaju se novi stavovi 3, 4 i 5 koji glase:

«Troškove sakupljanja i smještaja u sklonište/azil izgubljenih pasa koji su registrovani snose vlasnici-držaoци pasa u visini od 50 KM do tri dana boravka psa u skloništu/azilu, a za svaki naredni dan dodatnih 30 KM.

Sredstva iz stava 3 ovog člana vlasnik-držalac psa uplaćuje na račun Budžeta Brčko distrikta BiH.

Nepreuzimanje psa iz skloništa/azila od vlasnika-držaoца u roku od 7 dana od dana prijema obavještenja da je pas pronađen i smješten u sklonište/azil, smatra se napuštanjem psa».

Član 6

U članu 16 Odluke iza tačke 3 dodaje se nova tačka 4 koja glasi:

«4. Ako sakuplja neregistrovane, napuštene i izgubljene pse i druge životinje, i postupa s njima, bez povjerenog javnog ovlaštenja (član 12 stav 2)».

Član 7

Ova odluka stupa na snagu danom donošenja i objavit će se u „Službenom glasniku Brčko distrikta BiH“.

Broj: 0-02-022-93/07

Brčko, 16. jula 2007. godine

**PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.**